

四庫全書

史部

欽定四庫全書

史部

行水金鑑卷八十八

詳校官監察御史_臣王爾烈

刑部郎中_臣許兆椿覆勘

總校官知縣_臣繆琪

校對官庶吉士_臣潘庭筠

謄錄監生_臣張德燾

欽定四庫全書

行水金鑑卷八十八

江南按察使傅澤洪撰

運河水

海岱及淮惟徐州浮于淮泗達于河

禹貢河字應作荷依許氏說

東至海北至岱南及淮

孔氏傳

一州之境必有四面之至究青揚荆豫梁雍皆載二

面而徐州則載三面與諸州異者不得不然若言海岱則嫌于青州若言淮海則嫌于揚州故必曰海岱及淮然後可以別其為徐州之界然徐州雖言三面而其四境猶互見他州案爾雅曰濟東曰徐州是徐州之西境而水之所經也雖不言濟而濟在徐州東蓋可得而考

尚書全解

荷謂荷澤說文荷字下云禹貢浮于淮泗達于荷从水苛聲徐鉉音古俄切隸从草作荷俗遂訛為荷又

訛為河也許慎時經猶作荷而史記漢書並作河蓋
後人傳寫之誤濟水瀦為荷澤此經蒙青之文曰達
于荷則由濟入濞可知矣 兗青徐揚四州貢道相
因河行乎兗而合兗一境言之其地必有遠河者故
隨其便于濟濞則使浮之以達于河故兗貢曰浮于
濟濞達于河也青之浮汶入濟蓋期至河而非以至
濟也經書青貢止曰達濟而不竟之於河者達濟則
河自可逕不待復書也揚之道可沿江海以達淮泗

而徐貢魚有淮泗亦可達濟然經于徐貢既越濟不
書而又泗上更得一水乃可因濟而求達于河經之
越濟其例既異他州而泗又無經達大河之道則水
道又不可曉故臣久求詳考始知泗之北濟之南有
菏水者自定陶而下經昌邑金鄉東緡魚臺四邑而
與泗水合是水也班固以為河水許叔重以為菏水
菏河古字應通然後知徐貢之書達河也非以越濟
也正因菏以達也夫唯有菏以為達濟之因則江海

淮泗河濟自南而北交相灌注水道既不闕絕而經

文書例已書者更不再書通此經一例也

禹貢山川地理圖說

程氏是調停之說總不離自江至海自海至淮自淮至河自河至濟自濟至河也還當依說文

爾雅濟東曰徐州郭注云自濟東至海似為禹貢徐州之舊域然堯時揚州之境跨江北至淮而爾雅云江南曰揚州蓋殷割淮南江北之地以益徐視堯時之徐則大矣周禮正東曰青州禹貢徐州之山水皆在焉蓋以徐為青青地大半入幽而徐之西則又入

于究云呂氏春秋泗上曰徐州鄭漁仲釋之曰泗水
出陪尾山至下邳入淮源委皆在徐州非若淮之與
揚共濟之與究共也故不韋亦得以為說焉 徐州

有古大庭少皞之虛

左傳梓慎登大庭氏之庫注云大庭古國名在魯城內或曰大

庭即炎帝也劉楨魯都賦云戢武器於有炎之庫

有緡大彭奄邳之封皆在

焉春秋時可考者魯滕茅薛徐邾莒蕭邾遂任宿須

句顓臾鄆鄆陽鄆郕

後為小邾

向極牟鑄鄆郛偃陽根牟

鍾吾甲父凡二十九國戰國時屬魯而宋齊楚亦兼

得其地秦并天下置泗水琅邪

西境是

薛郡漢改置東

海郡復以其地為徐州

領郡國四

後漢魏晉並因之

魏晉領郡

國

唐為河南道之彭城

徐州

臨淮

泗

魯郡

兗

東海

海

琅

邪

沂

等郡按以上通典所列唯魯郡乾封萊蕪之北

境當往屬青其當來屬者兗域東平之須昌鉅野宿
城及壽張之東境濟陽平陰之南境青域高密之莒
縣及諸城之南境是也以今輿地言之江南徐州及
鳳陽府之懷遠五河虹縣泗州宿州靈璧淮安府之

桃源清河安東邳州宿遷睢寧海州贛榆山東兗州
府則滋陽曲阜寧陽鄒縣泗水滕縣嶧縣金鄉魚臺
濟寧嘉祥鉅野東平汶上沂州郯城費縣及平陰南
境濟南府則新泰及泰安萊蕪南境青州府則蒙陰
沂水莒州日照及諸城南境皆古徐州域 海自江

南山陽縣東折而西北為淮水入海之口其北岸則
安東縣也是為徐域海自縣東而北歷海州東中有

鬱林山

亦名鬱洲北齊置東海縣元和志云本漢
贛榆縣地俗謂之鬱州亦謂之田橫島

又

北歷贛榆縣東又東北歷山東日照縣東又東北歷諸城縣東至琅邪臺過此則為青域徐北至岱岱西南為東平南為泰安所謂汶陽之田也東南為萊蕪新泰沂州莒州諸城皆以長城故陞與青分界淮水今自鳳陽府壽州界東流經懷遠五河泗州南又東北經淮安府清河縣南與黃河合又東經安東縣南而東北入于海中流與揚分界故曰南及淮也岱濟之間與兗分界蓋在東平汶上鉅野之西濟

淮之間與豫分界蓋在金鄉碭山宿州懷遠之西

金氏曰達於河古文尚書作河說文亦作荷蓋荷澤與濟水相通而泗水上可通荷下可通淮徐州浮淮入泗自泗達荷也渭謂荷澤在今定陶縣東北金說固明而程氏云濟水瀦為荷澤此經蒙青之文曰達于荷則由濟入漯其說更明徐東北境可浮沂泗以達濟不必從淮其西北境亦可浮汶以達濟不必從泗也 充青徐揚四州之貢道前後相承不複不亂

汶與濟連故青曰浮于汶達于濟徐揚道由淮泗從
泗入濟必由荷澤故書曰達于荷若作河則複而無
理河漯青且不言矣而徐復云達于河陵亂失次禹
貢必無此書法而人猶謂作河為是者總由不知荷
澤之原委耳 水經注泗水出魯卞縣故城東南桃

墟西北

左傳昭七年以孟氏成邑與晉而遷於桃杜
預曰魯國卞縣東南有桃墟也墟有澤方十

五里澤西際阜俗謂之媯亭山西北連岡四十餘里
岡之西際便得泗水之源博物志曰泗水陪尾蓋斯
阜者矣石穴吐水五泉俱導穴各徑尺元和志泗水
出泗水縣東陪尾山其源有四四泉俱導因以為名

今兗州府泗水縣東五十里有陪尾山

又西逕其縣故城西

城在今泗水縣五十

里縣志云陪尾山下有泗水神祠祠前有泉林寺寺之左右皆深林茂樹有大泉十數渟泓澄澈互相灌輸會而成溪是為泗水南經卞城東有橋曰卞橋自卞橋西至縣城復有大泉數十南北交會入于泗水以達曲阜大抵縣境數十里內泉如星列皆泗水也

又西南逕魯縣北分為二

今曲阜縣治即魯故城

北為洙瀆

春秋莊公九年浚洙杜預曰洙水在魯城北音殊南

則泗水

洙泗之間即夫子領徒之所從征記曰闕里有四門其北門去洙水百餘步今泗水南有

夫子家 泗水又南逕魯城西南合沂水

水出魯城東南尼邱山西北平

地發泉流逕魯縣故城南水北對稷門亦曰雩門門南隔水有雩壇曾點所欲風舞處也

又西逕

瑕丘縣東

瑕丘魯邑即負瑕今滋陽縣西有瑕丘故城元和志瑕丘縣泗水東自曲阜縣界流

入與洙水合

屈從縣東南流逕平陽縣故城西

縣即山陽郡之南平

陽縣也故城在今鄒縣西

又南逕高平縣故城西洸水注之

泗水南逕

高平山縣取名焉洸水者洙水也蓋洸洙相入受通稱矣故城在鄒縣南

又南逕方與縣

東洿水從西來注之

水經注洿或作荷又作河今悉改從荷鄒云洿水即濟水色注

以成湖澤東與泗水合於湖陵縣西六十里穀庭城下俗謂之黃水口黃水西北通巨野澤蓋以黃水沿

注於洿故因以名焉按洿水入泗經言在方與縣東注言在湖陵縣西必二縣以是水為界非有兩處也

今魚臺縣北有方與故城縣東南有湖陵故城與沛縣接界湖陵秦置後漢章帝改曰湖陵

又屈

東南過湖陸縣南左會南梁水

水出蕃縣之東北平澤俗以南鄰於鄆亦

謂之西鄆

又南鄆水注之

水出東海合鄉縣西南流入泗春秋哀公二年季孫

水蕃音皮

斯伐邾取鄆東田

又南逕薛之上邳城西

奚仲自薛遷于邳則

及沂西田是也

下邳也有下故此為上今

又南逕沛縣東黃水注之

滕縣西北有薛縣故城

水出小黃縣黃溝國語曰吳子會諸侯於黃池者也

元和志沛縣泗水自西北流入東去縣五十步

南逕小沛縣東

縣治故縣南垞上東岸有泗水亭漢祖為泗上亭長是也元和志泗水亭

在沛縣東南一里按寰宇記沛縣東南微山下有故沛城尚存後漢呂布傳注云小沛即沛縣也

東南逕廣戚縣故城南

城在沛縣東北

又逕留縣而南逕垞

城東

元和志故留城在沛縣東南五十五里故垓城在彭城縣北二十六里兗州人謂實中城曰垓

也今徐州北有垓城垓音茶

又東南逕彭城縣東北

元和志泗水在彭城縣東

去縣十步今徐州即彭城百步洪在州東南二里泗水所經也水中若有限石懸流迅急亂石激濤凡數

里始靜俗名徐州洪

又南逕彭城縣故城東

城在徐州東南

又東南逕

呂縣南

呂宋邑春秋襄元年楚子辛侵宋呂留是也縣對泗水水上有石梁焉故曰呂梁懸濤崩

濟實為泗險孔子所謂魚鼈不能游又云懸水三十仞流沫九十里今則不能也元和志呂梁在彭城縣

東南五十七里按徐州北有呂梁故城州志呂梁山在州東南五十里山下即呂梁洪也有上下二洪相

距凡七里巨石齒列波濤洶湧明嘉靖二十三年又管河主事陳洪範鑿呂梁洪平之自是運道益便

東南逕下邳縣葛嶧山東又東南逕其故城西

元和志嶧

陽山在下邳縣西六里泗水西自彭城縣界流入下邳故城在今邳州東三十里

又東南沂

水注之又東南得睢水口

睢水注云出陳留縣西蕩渠東流逕下相縣故城

南又東南入泗謂之睢口元和志下相故城在宿遷縣西北七十里

又逕宿預城西又

逕其城南

故下邳之宿留縣也今宿遷縣東南有宿預故城

又東逕陵柵南

西征記曰舊陵縣治也按漢志泗水國有凌縣其故城在今宿遷縣東南

又東南逕淮陽

城北

今桃源縣西北有淮陽故城

又東南逕魏陽城北

陸機行思賦曰行魏

陽之枉渚故無魏陽疑即泗陽縣故城也今在桃源縣東又東逕角城北而東南

流注于淮

角城縣故城在今清河縣西南晉義熙中置

以今輿地言之泗

水出泗水縣歷曲阜滋陽濟寧鄒縣魚臺滕縣

並屬山東

兗州府

沛縣徐州

沛縣屬徐州隸江南

邳州宿遷桃源至清河縣

入淮

並屬淮安府

此禹迹也今其故道自徐城以南悉為

黃河所占而淮不得擅會泗之名矣

漢志山陽郡

湖陵縣下云禹貢浮于淮泗達于河水在南漢時湖

陵縣安得有黃河此河字明係荷字之誤水在南謂

河水在縣南也酈道元泗水注引此文云荷水在南

水經濟水篇言河水過湖陸縣南東入泗皆確證不

獨許慎作河也今按水經注河水分濟于定陶東北

自河澤分流

東南逕乘氏縣故城南

縣即春秋之乘丘在今鉅野縣西南

又

東逕昌邑縣故城北

城在今金鄉縣西北

又東逕金鄉縣故城

南

城即今縣治城北有金鄉山

又東逕東緡縣故城北

城在今金鄉縣東北

又東逕方與縣北又東逕武棠亭北

有高臺下臨水昔魯侯觀魚于

棠謂此在方與縣故城北十里經所謂河水也今魚臺縣北十三里有武唐亭

又東逕泥母

亭北

春秋僖公七年盟于甯母即此也甯泥聲相近遂訛為泥母今魚臺縣東有甯母亭

又東

與鉅野黃水合又東逕湖陸縣南東入于泗水

今魚臺東

二十里穀亭鎮即鄴注所謂穀庭城荷水入泗處也元和志兗州魚臺縣荷水一名五丈溝西自金鄉縣流入去縣十里又東南流合泗水泗水東北自任城縣界流入經縣東與荷水合又東北入徐州沛縣界任城即今濟寧州也魚臺縣在湖陵故城西六十里而荷水更在縣北十里與地志水經所云在湖陵縣南者不合蓋水道改矣以今輿地言之定陶鉅野金鄉魚臺界

中

並屬兗州府

皆荷水之所經也然此水乃荷澤之枝流

泗水與澤相通之道經所謂荷主澤而言自乘氏以至湖陵名曰荷水乃出自後人禹時未有也蘇傳

云自淮泗入河必道于汴世謂隋煬帝始通汴入泗
禹時無此水道以疑禹貢之言按漢書項羽與漢約
中分天下割鴻溝以西為漢以東為楚文穎注云於
滎陽下引河東南為鴻溝以通宋鄭陳蔡曹衛與濟
汝淮泗會即今官渡是也魏武與袁紹相持于官渡
乃楚漢分裂之處蓋自秦漢以來有之安知非禹迹
邪禹貢九州之水皆記入河水道而淮泗獨不能入
河帝都所在理不應爾意其必開此道以通之其後

或為鴻溝或為官渡或為汴上下百餘里間不可必
然皆引河水而注之淮泗也故王濬伐吳杜預與之
書曰足下當徑取秣陵自江入淮逾于泗汴沂河而
上振旅還都濬舟師之盛古今絕倫而自泗汴沂河
可以班師則汴水之大小當不減于今又足以見秦
漢魏晉皆有此水道非煬帝創開也吳王夫差闕溝
通水與晉會于黃池而江始有入淮之道禹時則無
之故禹貢曰沿于江海達于淮泗明非自海入淮則

江無入淮之道今直云浮于淮泗達于河不言自海則鴻溝官渡汴水之類自禹以來有之明矣渭按蘇氏因說者有謂河當作荷而以為不必然故發此論元黃公紹為之辨曰浮于淮泗達于河說者牽合傳會或指鴻溝引河入泗為禹迹或謂當時必有可達之理朱氏書傳亦莫知所折衷今按說文荷字注引禹貢此文是則達于荷非達于河也許慎所見蓋古文尚書後人傳寫例以上下文達于河之句改荷為河

陸德明又以河音如字遂啓後人淮泗不能達河之
疑然其下復云說文作荷工可切水出山陽湖陵南
則非九河之河明矣如字之音陸氏誤也

見韻會

閩百

詩曰禹貢濟入于河南溢而為滎而陶丘而荷而汶
而海此禹時之濟瀆發源注海者也史記河渠書禹
功施乎三代自是之後滎陽下引河東南為鴻溝以
通宋鄭陳蔡曹衛與濟汝淮泗會此禹後代人于滎
澤之北引河東南流故水經謂河水東過滎陽縣狼

蕩渠出焉者是亦引濟水分流故漢志謂滎陽縣有
狼湯渠首受洹東南流者是又自是之後代有疏濬
枝津別瀆不可勝數則酈氏注所謂滎波河濟往復
逕通者也雖然其來古矣蘇秦說魏襄王曰大王之
地南有鴻溝則戰國前有之晉楚之戰楚軍於邲邲
即汜水則春秋前有之爾雅水自河出為澚澚本汜
水則爾雅前有之然莫不善于道元之言曰大禹塞
滎澤滎澤莽時方枯豈禹塞之乎又曰昔禹塞其淫

水而于滎陽下引河滎陽河非禹引而謂禹之時已
有乎余是以斷自河渠書參以滎陽下引河不見禹
貢之書為出禹以後頗自幸其考比蘇氏差詳矣渭
按河當作沔得黃氏之辯而愈明蘇氏引高紀文頽
注而忘其出于河渠書也又安知上文有自是之後
四字乎非但蘇氏酈道元亦不察也今百詩唯據此
四字判鴻溝非禹迹真老吏斷獄手而愚更有進焉
者謂由泗入河由沔入濟是矣而自陶丘以西舍鴻

溝無達河之道也焉得不指為禹迹乎謂滎陽下引河出禹以後是矣而由濟達河莫知其所經不顯示以一塗終何以破千古之疑乎是當于濟漯之間求之蓋兗青徐揚之貢道皆由濟入漯以達河而宋儒謂濟漯二水無相通之處則浮濟者泝陶丘而西且北勢不得不出于滎陽此蘇氏之論所以近理而人不敢深折其非也誠知經所謂浮于濟者乃至荷會汶之濟而非陶丘滎澤之濟則濟之所以通河者漯

也非鴻溝官渡汴水也而紛紜之說不攻自破矣

蔡傳許慎曰汴水受陳留浚儀陰溝至蒙為澠水東入于泗則淮泗之可以達于河者以澠至于泗也許慎又曰泗受沛水東入淮蓋泗水至大野而合沛然則泗之上源自沛亦可以通河也渭按前說即道汴入河之意後說不知許氏所謂泗受沛者沛即湖陵入泗之河而乃云泗水至大野而合沛謬甚蓋泗水南流合河不西注大野也上源亦可通河仍是鴻溝

為禹迹之說

禹貢錐指 尚書通考云泗受洊者桑欽云濟水至濟陰乘氏縣分為二一水

東北流為北濟一水南流為南濟通志云今此水與濟不通但荷水亦自乘氏至方與入泗而荷水通濟則泗可以達荷荷可以達濟而自濟可以通河此說亦似有理存之以俟叅考

淮海惟揚州

沿于江海達于淮泗

禹貢

順流而下曰沿沿江入海自海入淮自淮入泗

孔氏傳

揚州北距淮東南距海

杜佑通典 蔡傳同

海岸雖自東北迤西南而經云東漸于海則青徐揚之海皆主東言可知也傳于青兪言北既為失之而

于揚專言南則失之愈甚通典改為東南視傳為優

矣

禹貢
錐指

揚州貢路自江順流入海又自淮泗入河沂沛入河

傳謂吳王夫差始通邗溝以禹貢考之淮南虞夏之

間無水道也

書古
文訓

禹之時江未有入淮之道自揚州入帝都則必由江
而入海然後入于淮泗至吳王夫差掘溝通水與晉
會于黃池然後江淮始通若禹之時則未有此道也

而孟子曰禹疏九河淪濟漯而注之海決汝漢排淮
泗而注之江此蓋誤指吳王夫差所通之水以為禹
迹其實非也使禹時江已與淮通則何須自江而入
海自海而入淮為是之迂回也哉孟子生周末去禹
之世為未遠而猶誤指當時所見之水以為禹迹自
孟子而來至今千餘年矣禹之舊迹漫滅者亦已甚
矣而世之儒者乃欲以今日所見之水而配合禹貢
之書豈不猶膠柱而調瑟者哉

尚書
全解

黃文叔云揚州吳越之地盡南海皆揚土也杜佑
分嶺南為古南越以為非禹貢九州之域何所據依
哉禹貢冀北界標碣石而著島夷則地窮沙漠凡今
雲朔燕薊諸夷居于山者皆是也揚南界表海而著
島夷則地窮漲海凡甌閩交廣諸夷居于山者皆是
也是蓋聲教所暨聞盛德而皆徠臣為唐虞之盛安
有四海之內而非禹貢九州之域者渭按說文島海
中有山可依止也雲朔燕薊甌閩交廣之地皆不在

海中安得謂之島夷且雲朔燕薊杜氏已列在薊域
甌閩亦列在揚域獨交廣為南越耳交廣南距海謂
海內皆九州之域可也若北海西海不知所極匈奴
為北海內地西域三十六國皆西海內地豈亦在九
州之域者哉此不足深辨唯裴駰史記集解於畧定
揚越下引張晏曰揚州之南越

顏師古漢書叙例張晏字子博中山人

張揖蘇林之後如淳孟康之前皆三國魏人

而晉太康地志云交州本屬

揚州取交趾以為名虞之南極也二說相承已久習

非不悟今駁正如左 古有百越之稱一在禹貢揚

州之域史記秦始皇本紀二十五年王翦悉定荊江

南地降百越之君置會稽郡東越列傳秦并天下廢

閩越王無諸及越東海王搖以其地為閩中郡是也

一即南越又名揚越在五嶺之南揚荊梁三州之徼

外秦始皇本紀三十三年發諸嘗逋亡人贅壻賈人略

取陸梁地

索隱曰嶺南之人多處山
陸其性強梁故曰陸梁

為桂林象郡南

海以適

讀曰
謫

遣戍是也漢復立無諸為閩越王王閩

中故地都冶

徐廣曰今侯官

又立搖為東海王都東甌

徐廣曰今

永寧

此皆句踐之後在揚域地理志以會稽為吳分者

是也

漢會稽郡有冶縣師古曰本閩越地

戰國策蔡澤云吳起為楚南

收揚越史記吳起列傳楚悼王時相楚南平百越南

越列傳云秦已并天下畧定揚越置桂林南海象郡

又云漢立尉佗為南越王使和集百越太史公自序

云漢既平中國而佗能集揚越以保南藩賈誼過秦

論云南取百粵

與越同

之地以為桂林象郡鼂錯上書

云揚粵之地少陰多陽秦之戍卒不能其水土嚴安
上書云秦使尉佗屠睢將樓船之士南攻百越此百
越即揚越秦時號陸梁地理志以蒼梧鬱林合浦
交趾九真南海日南為粵分者是也

漢分秦三郡地
為七郡屬交州

揚越猶於越閩越駱越之類字義古無可考安見為
揚州之南越邪自張晏倡為此說而顏師古張守節
皆從之師古曰本揚州之分故云揚越守節曰夏禹
九州本屬揚州故云揚越學者翕然宗之至杜佑作

通典始于九州之外別列南越且云嶺南鄰接荊州不當捨荊而屬揚今按兩廣輿圖唯南雄韶州廣州惠州四府地在古揚州之徼外而自肇慶以西至潯州縣地千餘里皆在古荊州之徼外南寧以西至安南則又在古梁州之徼外矣禹分九州揚地不當斗入西南數千里據後漢獻帝紀建安十八年復禹貢九州注云省交州以并荊州益州則南越縱在九州之域亦當分繫荊梁張晏魏人乃不諳故事而以南

越專屬揚州又誤中之誤

據揚雄交州箴曰爰自開闢不羈不絆周公攝祚白

雉自獻則自周以前南越未嘗通中國況有其地乎

太康地志雖有交州本屬

揚州之說然沈約蕭子顯撰宋齊州郡志並不言交

廣為禹貢某州之域至唐人修晉書始據太康地志

于交廣二州直書曰禹貢揚州之域

隋書同

而其說遂

牢不可破然神功元年狄仁傑上疏以為北橫大漠

南阻五嶺天所以限戎狄而隔中外是亦不從晉書

至杜氏於九州之外別列南越頗協經義而世猶不

信愚請以一事折之舜以青州越海分齊為營今五
嶺橫絕南北曷不分揚之南境自為一州冀州南北
太廣分衛為并燕以北為幽今揚南之廣大不啻如
冀北曷不分後世交廣之地增置二州而乃止于十
有二乎近史之誤明甚殷割淮南江北之地以益
徐故爾雅云江南曰揚州蓋視夏之揚為小然其西
又得禹貢荊州之地何以知之按導水文漢至大別
入江而爾雅云漢南曰荊州蓋漢水之名至大別山

而止其曰漢南者謂大別以西漢水之南也曰江南者謂大別以東江水之南也荆揚之界當于此分然則殷揚州之境縮于北而贏于西與夏之揚廣狹適相當矣周禮東南曰揚州其數澤川浸不殊于禹貢特未知與殷制異同如何耳揚州有古汪芒氏之封春秋時可考者蓼六越楚

東境是

吳蔣弦黃舒宗巢

舒庸舒鳩英桐鍾離濮

左傳昭元年吳濮有鸞杜注云吳在東濮在南今建寧郡

南有濮夷

凡十七國戰國時初屬越後楚滅越而有其地

秦并天下置九江鄣郡會稽閩中南海東境今潮陽郡是漢

復置揚州領郡國七後漢魏晉並因之晉領郡國二十二唐為淮

南道之廣陵揚州淮陰楚鍾離豫壽春壽永陽滁歷陽

和廬江廬同安舒蘄春蘄弋陽光等郡江南東道之

丹陽潤晉陵常吳郡蘇吳興湖餘杭杭新定睦新安

歙會稽越餘姚明臨海台縉雲處永嘉溫東陽婺信

安衢建安建長樂福清源泉漳浦漳臨汀汀潮陽潮

等郡江南西道之豫章洪鄱陽饒潯陽江臨川撫廬

陵

吉

宜春

表

南康

度

等郡按以上通典所列無可更

定者以今輿地言之浙江江西福建皆是江南則江
寧揚州廬州安慶池州太平寧國徽州鎮江常州蘇
州松江十二府滁和廣德三州其鳳陽府則鳳陽臨
淮定遠壽州霍丘盱眙天長淮安府則山陽鹽城河
南則汝寧府之光州光山固始湖廣則黃州府之羅
田蘄水蘄州廣濟黃梅廣東則潮州府皆古揚州域
也 淮水自今河南汝寧府息縣南東流經光山縣

北是為揚域又東經光州北又東經固始縣北又東
北經江南鳳陽府潁州北又東經霍丘縣北潁上縣
南又東逕壽州北與豫分界又東北經五河縣東南
又東經泗州南盱眙縣北又東北經淮安府清河縣
南又東經山陽縣北又東經安東縣南而東北注于
海與徐分界海自山陽縣東北折而東南歷鹽城
興化如臯縣東又南至通州東為江水入海之口其
南岸則太倉州也自州東又東南歷上海縣金山衛

東又南歷浙江鎮海象山縣折而西歷寧海縣東又西南歷黃巖太平樂清瑞安平陽縣東又南歷福建福寧州東又西南歷羅源連江長樂福清縣東又西南歷莆田惠安同安縣南又西南歷海澄漳浦詔安縣東南又西歷廣東澄海縣南又西至潮陽縣南揚州之海于斯極矣 揚之南界經無可見據通典以潮陽隸古揚州蓋自江西大庾嶺東南群山縣亘以達于廣東潮州府之揭陽即揚之南界也大庾嶺在

南安府大庾縣南十二里

縣本漢豫章郡南壄縣地

南接廣東南

雄府保昌縣界

縣亦南壄縣地

水經注以為五嶺之最東亦

名東嶠漢書謂之塞上南越相呂嘉破漢將軍韓千

秋于石門送漢節至于塞上即此地也後漢志名臺

領山唐以後又稱梅嶺其西為聶都山贛水所出與

湖廣郴州宜章縣接界裴淵廣州記曰五嶺大庾始

安臨賀桂陽揭陽也此與水經注小異桂陽即騎田

而無都龐有揭陽顏師古云嶺者西自衡山之南東

窮於海一山之限耳而別標名則有五蓋依裴氏五
嶺訖揭陽揭陽山一名揭嶺在今揭陽縣西北百五
十里南北二支直抵惠州府興寧海豐二縣界山南
揭陽故城漢縣也今西自越城騎田萌渚陂陀相屬
直趨大庾嶺又循脊而下東包揭陽屬之海埂與江
西福建分險唐一行所謂南戒山河至衡陽東循嶺
徼達東甌閩中以限蠻夷者是也星傳謂南戒為越
門揚之西界經亦無可見今據通典所隸郡縣約

畧言之蓋自河南光山縣與豫分界其南為湖廣之

羅田蘄水蘄州廣濟

舊謂九江在黃州黃梅界故光山以下並屬荆今以洞庭為九

江當屬揚也

踰江而南則為江西之瑞昌又西南為武寧

寧州萬載萍鄉永新永寧又東南為龍泉崇義大庾
皆與荆分界處也 陳大猷曰循行水涯曰沿水之
險者莫如江海遇風濤多沿岸而行所以獨言沿不
言浮以著其險也此說亦通然吳語夫差曰余沿江
汭淮又越師沿海汭淮以絕吳路則沿對汭言明是

順逆之辭與左傳沿漢沂江同當仍舊說 揚之貢
道自常熟縣北之大江順流而下至太倉州北七鴉
浦入海而東北經通州東又北經如臯興化鹽城山
陽縣東而西入淮口沂流而上歷安東縣南山陽縣
北又西至清河縣西南之清口入泗所謂沿于江海
達于淮泗也 清口本名泗口今其道為黃河所奪 漢志江都渠水首
受江北至射陽入湖水經志中瀆水首受江自廣陵
至山陽入淮是其水乃自南入北非自北入南也即

以邳溝既開時言之孟子云淮注江亦誤然班固言
渠水入湖而不言入淮頗有分判揆水經者乃云淮
水過淮陰縣北中瀆水出白馬湖東北注之酈道元
遂以為此水直至山陽口入淮而其說牢不可破矣竊

疑高郵寶應地勢最卑若釜底然

潘季馴兩河議曰
高家堰去寶應高

丈八尺有奇去高郵
高二丈二尺有奇

邳溝首受江水東北流至射陽

湖而止杜預云自射陽西北至末口入淮此不過言
由江達淮之糧道耳路可通淮而水不入淮也水經

殆不如地志之確

禹貢
錐指

行水金鑑卷八十八

欽定四庫全書

行水金鑑卷八十九

江南按察使傅澤洪撰

運河水

荆及衡陽惟荊州 浮于江沱潛漢逾于洛至于南河

禹貢

北據荊山南及衡山之陽逾越也河在冀州南東流

故越洛而至南河

孔氏傳

此州北界至荆山之北故言據也南及衡山之陽其境過衡山也以衡是大山其南無復有名山大川可以為記故言陽見其南至山南也浮此四水乃得至

洛

孔氏疏 荆山在今湖廣襄陽府南漳縣西北八十里本漢臨沮地

荆山襄陽南漳縣衡山即南岳也荆州之貢由江沱潛漢者各從所便至豫州境陸行踰洛乃至于河曰

南河者在冀州南猶其西為西河也

書古文訓 荆山有三一在雍

域襄德北條之荆大禹鑄鼎處也一在荆豫界臨沮南條之荆卞和得玉處也一在豫域唐志虢州湖城

縣有覆釜山一名荆山湖城元省入閬鄉縣山在今
縣南三十五里韓愈詩曰荆山已去華山來日照潼
關四扇開李商隱詩曰楊僕移關三百里可能全是
為荆山即此山也而豫之荆山與禹貢無涉湖廣通
志云衡山在衡山縣西三十里岷山之脉盡於洞庭
之西其山周環八百里為五岳之一南方之幹也上
應璣衡故言衡山羅列七十二峯曰祝融峯高九千
七百八十丈為七十二峯最高處曰迴雁峯相傳雁
不過衡陽至此而迴或曰峯形如雁之迴南岳迴
雁為首岳麓為足云曰岫嶠峯大禹嘗登之上有岫
嶠碑曰巨庇峯高數百仞頂有池曰天池冬夏不涸
相傳夜有火燈燭之曰紫蓋峯在祝融峯下高四千
五百丈形如紫蓋諸峯皆拱向祝融此獨南向曰天
柱峯即雙柱峯也兩山端聳其形如柱曰石廩峯與
紫蓋相接形如倉廩有二戶一開一闔湘中記曰閉
則歲豐開則歲儉曰笑蓉峯荆州記云衡山三峯極

秀一紫蓋一石廬一笑蓉非晴不見曰赤帝峯一名煉玉峯曰朱明峯相傳與羅浮朱明洞通曰煙霞曰軫宿曰華蓋曰蓮花曰金簡曰石围曰崩男曰雷祖曰巾紫不可悉數金簡峯相傳禹夢水使者於此獲金簡玉書知治水之要

禹貢有兩荆山導岍及岐至于荆山孔氏云在雍州導嶓冢至于荆山孔氏云在荊州惟此二山皆名荆故班孟堅有二條之說謂南條荆山在南郡臨沮縣東北此則荊州之荆山也謂北條荆山在馮翊懷德縣南此則雍州之荆山也以此二荆山名相亂蘇氏

謂自南條荆山至于衡山之陽謂荊州自北條荆山
至于河為豫州者其意蓋謂荊州之言荊者南荊也
豫州之言荊者北荊也雖以此二山分配二州然而
以地理志考之其實不然此荊與河相去不甚遠苟
以荊州為北荊之荊則豫州之境界不應如是之狹
也曾氏曰臨沮之荊其陰為豫州其陽為荊州此說
是也蓋荊之與豫亦猶岱之分青徐也 浮于江沱
潛漢浮舟于此四水也江沱潛漢其相通之始末不

可得而見矣逾于洛至于南河蘇氏曰江無達河之道舍舟行陸以達于洛故曰逾于洛自洛則達于河矣河在冀州之南故曰南河曾氏以為漢與洛不相通故曰逾于洛自洛以至豫州之河故曰至於南河此二說皆相合然而蘇氏謂自江而逾洛曾氏謂自漢而逾洛此蓋為差異然而以文勢考之當從曾氏之說

尚書全解

荊州北界荆山南踰衡山尚書家謂之南條荆山揚

紀陽鳥荆界至衡陽今衡岳南峯為迴鴈峯其號名
猶有然歟貢道獨言沱潛則不及東境獨言江漢則
不及西境故兼稱之荊州初水運泝江漢而上乃舍
舟陸運出汝葉至洛陽西逾洛不復渡河至孟津而
止故曰至于南河不復冒底柱之險也東南貢道入
河者皆不過底柱

尚書
說

爾雅曰水自江出為沱自漢出為潛江漢源發梁州
流經荊州故梁荆皆有沱潛此則荊州江漢之出者

也江沱潛漢其水道出入不可詳大勢則自江沱而入潛漢也程氏曰不徑浮江漢兼浮沱潛者隨其貢物所出之便或由經流或循支派也

書纂言

漢志云周改禹徐梁二州合之於雍青顏注謂省徐以入青併梁以合雍諸儒皆從其說而林少穎獨疑之曰職方氏於青州其山鎮曰沂山其川淮泗其浸沂沭則徐合於青無足疑者若夫雍州其山鎮曰嶽山其澤藪曰弦蒲其川涇汭其浸渭洛梁州之山川

無一存者果何所據而謂梁合于雍乎荊州其川江
漢據江漢之水發源于梁由荊而東至揚然後入於
海今以江漢為荊之川則禹貢之梁州其無合于職
方氏之荊州乎按林氏此言發前人所未發 荊州

之建國春秋時可考者楚夔聃權邛

與鄖同

州

左傳桓十一年

州蓼伐楚師杜注云州國在南郡華容縣東南今為監利縣地

羅貳軫凡九國戰國

時屬楚而韓秦亦少得其地秦并天下置南郡黔中

長沙南陽

東境

漢復置荊州

領郡八

後漢魏晉並因之

南越地不黔中寧夷涪川播川夜郎義泉漆溪七郡
當入荆域

皆梁南徼外蠻夷非古黔中地不在九州之限

元和志云

黔州本漢涪陵縣理晉永嘉後地沒蠻夷經二百五
十六年至周保定四年涪陵蠻帥田恩鶴以地內附
因置奉州建德三年改為黔州大業三年又改為黔
安郡因周隋州郡之名遂與秦漢黔中地犬牙難辨
其秦黔中郡所理在今辰州西二十里黔中故郡城
是漢改黔中為武陵郡移理義陵即今辰州叙浦縣
是後魏移治陵沅即今州是今辰錦叙漿溪澧朗施
等州實秦漢黔中之地而今黔中及夷費思播隔越
峻嶺東有沅江及諸溪並合東注洞庭湖西有延
江水一名涪陵江自牂牁北歷播貴思黔等州北注
岷江以山川言之巴郡之涪陵與黔中故地炳然分
矣然則此五州及珍臻二州皆梁南徼外蠻夷今叙

瀘重慶之江南諸縣及遵義府是也其東有峻嶺為限荆不當越此而西斗入六七百里總因黔中名亂嶺東嶺西諸州混而為一道杜氏遂有此誤叙州即巫州樊州即業州也又有當來屬者

豫域襄陽之南漳漢東之光化及南越始安郡全義

縣嶺北之地是也

全義今為興安縣屬廣西桂林府文獻通考云自荔浦以北為楚以

南為越今靜江有中州清淑之氣荔浦相距纔百餘里遂入瘴鄉是天所以限楚越也此蓋就當時風氣言之近志遂以桂林平樂二府為禹貢荊州之域恐未必然杜氏以始安平樂屬古南越為是唯全義縣嶺北之地當入荆域以今輿地言之湖廣武昌漢陽安陸荊州

岳州長沙衡州常德辰州寶慶永州十一府郴靖二

州施州衛其襄陽府則唯南漳縣德安府則安陸雲

夢孝感應城應山及隨州之南境廢光化縣地黃州

府則黃岡麻城黃陂黃安四川則夔州府之建始廣

西則桂林府之全州

本漢零陵縣屬零陵郡隋改置湘源縣唐屬永州五代晉改曰

清湘於縣置全州明省縣入又改屬桂林

及興安縣嶺北之地

縣在府東北一百二

十里越城嶺在縣北三里

皆古荊州域也

荊之北界判自南漳

縣之荊山山在縣西北八十里漳水所出其西為遠

安興山北與梁接界荊山之西百餘里為景山水經

沮水出漢中房陵縣注云出沮陽縣西北景山即荆
山首也故淮南子曰沮出荆山元和志云沮水出房
州永清縣西南景山永清本漢房陵縣地也縣南一
百一十三里有建鼓馬駿二山並高峻又竹山縣西
南三十五里有白馬塞山孟達歎為金城千里蓋皆
景山之餘脈矣南漳以東為荆門鍾祥京山元和志大洪山
在京山縣西北二百里孤秀為衆山之傑及隨州之南境廢光化縣地光化
故城在今隨州東南三十餘里唐隨州管
縣四通典云唯光化為荆域餘皆屬豫又東為應

山縣縣北有義陽三關

見齊書州郡志義陽唐中州治也

一曰平靖

關

元和志云在安州應山縣北六十五里北至申州九十里東至百雁關一百六十里申州今汝寧州

之信陽州也

一曰黃峴關

又名百雁關元和志云在應山縣北九十里北至申州九十里

東至澧山關一百里

一曰武陽關

又名澧山關元和志云在應山縣東北一百三十里北至

中州一百五十里

即古之大隧直轅冥阮也

左傳定四年吳伐楚自淮涉漢

楚左司馬戍請還塞大隧直轅冥阮自後擊之大隧即武陽直轅即黃峴冥阮即平靖也三關又總名曰城口楚史皇所謂塞城口而入也冥亦作鼃又作郢皆讀若旨

又東為黃安縣有大

活關白沙關

本唐黃岡麻城黃陂三縣地明嘉靖四十二年析置黃安縣元和志云大活關

在黃州黃陂縣北二百里東北至光州二百八里西至安州澧山關一百里白沙關西至大活關六十里在州北二百四十里北至光州界二十五里又東為麻城縣有穆陵關陰

山關

元和志穆陵關西至白沙關八十里在麻城縣西北一百里北至光州一百四十九里陰山關

西至穆陵關一百里在縣東北一百一里北至光州殷城縣二百里按穆陵關在穆陵山上或曰齊之四履南至穆陵即此也定四年吳楚戰于柏舉亦在縣界諸關依山為阻與荊山

東西準望相直皆荊豫接界處荊之南界越衡山之陽大抵及嶺而止史記曰秦有五嶺之戍晉地理志曰自北徂南入越之道必由嶺嶠時有五處故曰

五嶺據水經志五嶺大庾最東為第一嶺在揚域餘

皆屬荆第二騎田嶺在郴州南

即黃岑山亦名黃箱山今謂之臘嶺柳水

所出高千餘丈南接廣東陽山縣界北寒南燠氣候頓殊

第三都龐嶺在衡州府

藍山縣南

亦稱都龐嶠即黃檗山龐音龍水經注作部龍南接廣東連州界鄧德明謂都龐在

九真大謬

第四萌渚嶺在永州府江華縣南

亦稱萌渚嶠即古臨賀嶺

又名白芒嶺今名桂嶺高三千餘丈南接廣西平樂府賀富川二縣界

第五越城嶺在

桂林府興安縣北五嶺之最西嶺也

亦稱越城嶠又名始安嶠嶺

北一百三十里接寶慶府城步縣界經曰衡陽未知

所極然酈氏有言古人云五嶺者天地以隔內外韓退之曰衡之南八九百里地益高山益峻水清而益駛其最高而橫絕南北者嶺中州清淑之氣於是焉窮藉此表界差為近理耳 荆之東界準揚約略言之蓋自麻城黃岡踰江而南為武昌縣又西南為通山咸寧崇陽通城又南為瀏陽醴陵攸縣茶陵又東南為興寧桂東桂陽又西南為宜章皆與揚分界處也 荆之西界經無可見今據戰國時巴楚分地約

畧言之蓋自巴東踰江而南為建始施州麻陽沅州

又東南為黔陽靖州通道以訖於興安與貴州廣西

接界 漢水北距洛水六七百里欲自漢逾洛則必

泝山源而上其惟丹水乎漢志弘農郡丹水縣下云

水出上雒冢領山東至析入鈞

師古曰鈞亦水名按今南陽府內鄉縣西

南百二十里有丹水故城南去丹水二百步縣西有淅陽故城本漢析縣也

上雒縣下云

禹貢雒水出冢領山東北至鞏入河

今陝西西安府商州治即漢上

洛縣也洛南縣亦上洛地鞏縣今屬河南府

水經注丹水出京兆上洛縣

西北冢領山

商州志秦嶺在州西八十里其地有澗曰息邪澗丹水所出

東南流

與清池水合

水出東北清池山

又東南逕其縣南楚水注之

水出縣西南楚山

丹水自倉野又東歷菟和山

左傳哀四

昔四皓隱于此

年楚人謀北方司馬起豐析以臨上洛左師軍於菟和山今商

和右師軍於倉野杜預曰上洛縣東有菟和山

州南百四十里有倉野聚

又東南逕商縣南歷少習出武關

應劭曰秦

之南關也通南陽郡左傳哀四年楚左司馬使謂晉陰地大夫曰將通於少習以聽命京相璠曰楚通上洛阨道也漢祖下析酈攻武關文穎曰武關在析縣西一百七十里按今商州東有商洛廢縣即漢商縣也商南山陽鎮安三縣亦商縣地武關在州東一百八十里

又東南流入白口歷

其戍下又東南浙水注之

水出析縣西北盧氏縣大嵩山南流逕修陽故城北

又東逕析縣故城北春秋之白羽也又歷其縣東南流至丹水縣注于丹水

又東南逕三

戶城又逕丹水縣故城西南

縣有密陽鄉古商密之地楚申息之師所戍春秋

秋之三戶也今內鄉縣西南有三戶城

又東南流至其縣南

水南有丹崖山頽壁

霞又南逕南鄉縣故城東北

城在今南陽縣西南百里本漢析縣地

又

東歷於中之北所謂商於者也

張儀說楚絕齊許以商於之地六百里即

此裴駟曰有商城在於中故曰商於杜佑曰今內鄉西七里有於村亦曰於中

丹水又南合

洧水

洧音市若切蓋洧字之誤洧與均同

謂之淝口

均水注云均水出盧氏縣熊耳山東

南流逕其縣下南逕南鄉縣又南與丹水合又南逕順陽縣西有石山南臨洧水洧水又南流注於洧水謂之洧口按今南陽府淅川縣東北三十里有順陽故城本漢淅縣之順陽鄉也此注洧亦誤為洧按

洧水注云洧水自武當縣城東

城即今襄陽府均州治

又東南

逕涉都縣東北

本筑陽縣之涉都鄉

均水於此入洧謂之均口

在今穀城縣界均鈞同或从水作洧韻會均字下云隋置均州取洧水名之是均即洧也史承水經之誤曰洧口晉桓溫伐秦水軍自襄陽入洧口至南鄉是也或又曰洧均口齊陳顯達攻魏馬圈軍入洧均口

是也楚通少習漢入武關皆在丹水之旁而南朝北
伐其舟師必由均口而進可見為南北水陸之孔道
商州西北諸山皆秦嶺也冢領亦秦嶺之別名丹水
出其東南洛水出其東北中隔一嶺陸行當不甚遠
禹貢逾洛之道計無便於此者以今輿地言之浮漢
水至穀城縣東北入均口泝丹水而上經浙川南陽
內鄉抵商州導源之處越冢領而北浮洛水經盧氏
永寧宜陽洛陽偃師至鞏縣以達于南河此荊州之

貢道也 自漢逾洛之道黃文叔云舍舟陸運出汝
葉金吉甫云自漢入丹河白水河即踰山路入洛今
按陸行出汝葉則必更天息女几嵩少輾轅諸山中
崎嶇二三百里貢道必不由此丹河即丹水白水河
蓋謂洧水是兩道洧水出盧氏縣熊耳山沂此水而
上亦可逾于洛然洛水在縣南五里洧源北去縣百
五十里宋元嘉中伐魏龐季明柳元景皆從山谷中
度軍出盧氏不聞有水道洧洛之間陸運百五十里

殊費民力唯丹水為自楚入秦之捷徑水多陸少逾

洛從此無疑

唐書崔湜建言山南可引丹水通漕至商州自商纔山出石門北抵藍田可通

輓道以湜充使開大昌關役徒數萬竟不通按此亦用丹水而欲鑿山為輓道直抵藍田即令其道得通而傷財害民與逾洛之事大不侔矣

或問底柱三門之險古今所同

患荊豫及兗青徐揚與冀之東北境貢入帝都必由南河經底柱將若之何曰唐裴耀卿於三門東西置倉開山十八里為陸運以避其險疑禹時亦用此法貢物輕約易齎與漕穀不同避險從陸而改舟以達

平陽無難也然底柱初析閼流之害除或不若後世

之險絕亦未可知

禹貢
錐指

荊河惟豫州

浮于洛達于河

禹貢

豫州南荊山北界河貢道由洛入河

書古
文訓

此州界南至於荊山荊山之南則荊州也北距河水

河水之北則冀州也豫州去帝都甚近浮舟于洛則

達于河達于河則達于帝都矣

尚書
全解

豫州居天下之中四方道理適均湯之亳今河南偃

師成王之洛邑今河南洛陽縣其地北距河南抵荆
山東抵徐西抵雍梁今為河南府號陝鄭汝陳蔡唐
鄧汴宋等州之地

熊禾
書說

傳曰西南至荆山北距河水曾氏曰臨沮之荆山其
陰為豫州其陽為荊州渭按荆山已見荊州河南河
也後同其不言南者蒙上至于南河省文而可知也
荆山主南言傳不當魚西亦猶青之岱主南言不當
魚西也 豫州有古太皞祝融之虛及帝嚳成湯所

都虞

舜後即少康所奔

戈邳封葛三駸諸國皆在焉春秋時

可考者管蔡郕曹鄭東虢西虢凡蔣祭祀宋焦申許

蓼

左傳哀十七年楚子穀曰武王克州蓼即此一作廖漢志南陽縣故廖國

密隨厲唐戴

沈息房

周語內史過曰昭王娶于房後漢志汝南吳房縣故房國楚靈王所滅

滑鄆郛

穀鄧賴項頓胡江黃道柏州來絞蠻陸渾凡四十一

國戰國時屬宋魏韓而秦楚亦兼得其地秦并天下

置三川碭郡潁川南陽

東境北境是

南郡

北境是

漢復置豫州

領郡國五其今河南南府陝郡弘農之地則屬司隸陳留濟陰之地則屬兖州

後漢為司隸

治河治譙豫州領郡十一唐

陽郡國六

魏因之

晉分置司州

州領郡國十

唐

為都畿之河南府

洛陝郡陝南

臨汝

汝滎陽

等郡河

南道之陳留

汴睢陽

宋濟陰

曹譙郡

亳潁川

許淮陽

汝潁

潁汝南

等郡山南東道之淮安

唐南陽

鄧襄陽

襄漢東

隨武當

等郡及河東道之弘農郡

號

按以上

通典所列濟陰之乘氏當往屬兗襄陽之南漳漢東之

光化當往屬荊又有當來屬者兗域靈昌之匡城梁域

上洛之上津東境廢長利縣地是也以今輿地言之河

南則河南開封歸德南陽汝寧五府及汝州直隸則大名府之東明長垣山東兗州府之定陶曹縣城武單縣江南則鳳陽府之潁州潁上太和亳州蒙城湖廣則襄陽府之襄陽光化宜城棗陽穀城均州鄖陽府之鄖縣保康及鄖西之東境德安府隨州之北境皆古豫州域也 豫之南界亦判自南漳縣之荆山西起保康歷宜城棗陽及隨州之北境故隨縣地

州之南境廢光化縣地入荆域

又東

為信陽羅山皆與荆接界處 豫北濱冀之南河其西

與華陰接界華陰雍域也按職方豫州山鎮曰華山通
典云即今華陰郡山連延東出故屬豫州九域志云華
山四州之際東北冀東南豫西南梁西北雍十字分之
四隅為四州也豫之北界由華山而東為閿鄉靈寶陝
州澠池新安洛陽孟津鞏縣汜水河陰滎陽滎澤又東
北為陽武延津皆在南河之南

陽武自元時河從原武
決而東南流始為河北

地又東北抵濬縣大伾山冀充豫三州之交也 豫

東接兗徐揚三州之界自封丘而東為長垣長明又

東為考城定陶曹縣城武單縣與兗接界又南為夏
邑永城亳州潁州又東為潁上蒙城皆在淮北與徐
接界自潁州以西為商城息縣真陽踰淮而南為信
陽與揚接界 豫西自閿鄉以南為盧氏鄖縣及鄖

西之東境故鄖縣地與雍梁接界豫居中央為輻輳
之地接界者七州唯青為兗徐所隔與豫不相接云
蔡氏曰豫之東境徑自入河豫之西境則浮于洛
而後至河也 蔡氏此例諸州畧同但豫東之水禹

時概不通河先儒以鴻溝為禹跡故其說如此然鴻溝禹時實未嘗有滎川始見於周官濟隧亦僅見春秋傳類皆非禹迹其通河者唯汜水耳汜水出浮戲山北流逕虎牢城東而北注于河源委頗短鄭地之舟或當由此入河而宋許陳蔡之郊自南而北其浮于汝潁不可鴻溝未開汝潁皆不與河通舟行不知從何處入河今按酈道元云汝水出魯陽縣之大孟山其西即盧氏界也大孟山在今汝州魯陽縣西南

七十里而伊水出河南盧氏縣之巒山一名悶頓嶺
者在縣東南百里伊汝二源相去甚近其間必有可
逾之地陸行若千里浮伊入洛度亦不多也然則經
過不書逾曰貢道亦紀其大畧州境廣遠間有小小
絕水處若欲書逾何可勝書且豫之西境無所逾不
得言逾于伊浮于洛故畧而不書此等當以意會也

禹貢

雖指

行水金鑑卷八十九

欽定四庫全書

史部
行水金鑑卷
九十一

詳校官監察御史_臣王爾烈

刑部郎中_臣許兆椿覆勘

總校官知縣_臣繆琪

校對官庶吉士_臣潘庭筠

謄錄監生_臣張德燾

欽定四庫全書

行水金鑑卷九十

江南按察使傅澤洪撰

運河水

華陽黑水惟梁州

浮于潛逾于沔入于渭亂于河

禹貢

漢土曰沔越沔而北入渭浮東渡河正絕流曰亂

孔氏

傳

華山在豫州界內此梁州境東據華山之南不得其

山故言陽山之西則雍境也

孔氏疏

梁州北界華山南距黑水黑水今瀘水也酈道元說黑水亦曰瀘水若水馬湖江出姚州徼外吐番界中

東北至叙州宜賓縣入江

書古文訓

姚州本漢弄棟青蛉遂久三縣地弄棟

屬益州部青蛉遂久屬越舊郡今為雲南之姚安府宜賓本漢犍道縣屬犍為郡今為四川叙州府治雲南通志姚州有金沙江注云源出吐番為府大川即黑水也四川總志叙州府有馬湖江在府城南源出沈黎寶大渡之支流亦名瀘水一名金沙江諸葛亮五月渡瀘即此江之上流

孔氏謂東據華山之陽西距黑水謂東據華山之陽

者當是跨而越之也此說不然河流導自積石至于龍門南至華陰東至于底柱是河入華山之陰始折而東也雍州言黑水西河唯雍州黑水之西蓋雍州之境梁州不應跨越華山而至於北也曾氏曰華山之陰為雍州其陽為梁州則梁州之北雍州之南以華為畿而梁實在雍州之南矣此說雖是然其謂梁之北雍之南以華為畿則其說未盡據華山在雍梁之東若謂梁之東北雍之東南以華為畿則得之矣

尚書全解 陝西通志云華山在華陰縣南十里山
海經太華之山削成而四方其高五千仞其廣十里
鳥獸莫居是山為三峯南曰松檜峯一曰落雁峯李
白登落雁峯嘆曰呼吸之氣可通帝座恨不攜謝眺
驚人句來搔首問青天耳東曰明星玉女峯西曰蓮
華峯一曰芙蓉峯其上有太上全真崖避詔崖即陳
搏卧處仰天池八卦池太乙池菖蒲池黑龍潭二十
八宿潭明星玉女祠玉女洗頭盆石馬玉龜仙人掌
石日月鎮嶽宮玉井即韓愈詩所稱花間十丈藕如
船者博臺即秦昭王令工施鉤梯處又有石折為唐
明皇投簡處山腹有總仙洞天洞口有石如丹青畫
像冠帔衣服無不周備 先儒以浮潛遁河
只說西傾一路之貢非也浮潛遁河
入渭亂河乃是梁州一州之貢道

西土梁雍皆遠而梁尤遠禹時劍門金牛之道未鑿

梁州之通於中州者梯緣蜀道之險而北行遠至漢上而浮潛逾沔然後能入渭亂河以達帝都則其險遠可知 凡漢水分支可以容舟處皆潛也不言浮漢而言浮潛者隨其支流徑便不必至漢乃浮也桑欽叙漢自西樂城以上為沔度水口以下為漢大率漢之支流皆名潛漢之上流皆名沔此潛以達漢也沔在山南屬梁州渭在山北屬雍州水不可通自沔而北陸行度隴至於渭濱乃用舟順流而不可逾越

渭口而遂渡河也文當日入於沔逾于渭蓋二文互

也

書纂言

黑水諸家遵孔傳謂出雍歷梁入南海為二州之西
界故其說穿鑿支離不可得通蓋古之若水即禹貢
梁州之黑水漢時名瀘水唐以後名金沙江而黑水
之名遂隱然古記間有存者地理志滇池縣有黑水
祠一也山海經黑水之間有若水二也水經注自朱
提音殊至音北熒反道有黑水三也輿地志黑水至熒

道入江四也今瀘水西連若水南界滇池東經朱提
犍道其為梁州之黑水無疑矣故斷從薛氏以南北
易孔傳之東西亦甚明確也 漢志若水出蜀郡旄

牛縣徼外南至大笮入繩

今黎大所南有旄牛故城即漢縣師古曰西南之徼

猶北方塞也徼工鈞反

繩水出越巂郡遂久縣徼外東至犍道

入江行千四百里

舊先慈反今建昌衛治即漢越巂郡邛都縣也遂久蜀漢改屬雲南

水經注若水出蜀郡旄牛徼外東南至故關為若水

司馬相如傳曰畧定西南夷邊關蓋斥西至沫若水又曰關沫若是若水故有關也

山海經曰

南海之內黑水之間有木名曰若木若水出焉若水

沿流間關蜀土黃帝長子昌意降居斯水為諸侯娶

蜀山氏女生顓頊於若水之野若水東南流鮮水注

之一名州江大渡

漢志鮮水出旄牛徼外南入若水

又南逕越舊邛

都縣西

有舊水漢武帝置越舊郡治邛都縣言越此水以章休盛也縣故邛都國越舊水即繩若

矣又有溫水冬夏常熱昔李贍敗李流于溫水也是也按此溫水源流不遠非漢志牂牁封縣下之溫水

東至廣鬱入鬱者金吉甫謂漢志以瀘為溫字從省誤非也邛都唐為舊州越舊縣今建昌衛四川行都

司治領營四會川鹽井冕山越舊

又南逕大笮縣入繩

繩水出徼外山海經曰巴

遂之山繩水出焉東南流逕髦牛道至
大茆與若水合自下亦通謂之繩水
又南逕會無

縣

元和志會川縣北至雋州三百七十
里本漢會無縣也今為會川營地

與孫水合

水

出臺登縣一名白沙江南流逕邛都縣司馬相如定
西夷橋孫水即此又南至會無入若水也漢志臺登
縣孫水南至會無入若行七百五十里元和志雋州
臺登縣正南微西至州一百七十里念諾水本名繩
水流入瀘水在縣西北七百里自羗戎界流入長江
水本名孫水出縣西北胡浪山下今冕山營東北有
孫繩水南逕雲南郡之遂久縣蜻蛉水入焉
縣本屬越雋蜀
漢建興三年分益州永昌置雲南郡以遂久來屬蜻
蛉水出蜻蛉縣西東逕其縣下又東注于繩水漢志
青蛉縣屬同山
有金馬碧雞
又逕三絳縣西
三絳一曰
小會無
又逕姑復

縣北

對三絳縣

淹水注之

淹水出遂久徽外東南至蜻蛉縣又東過姑復縣南東入于若

水按漢志會無臺登遂久蜻蛉三絳姑復並屬越雋郡

又東與毋血水合

漢志益州

郡弄棟縣東農山毋血水出北至三絳南入繩行五百一十里毋音無

又東涂水注之

漢志牧靡縣南臘涂水所出西北至越雋入繩過郡二行千二十里靡音麻涂音途

又東北至

犍為朱提縣西為瀘江水

後漢書建武十九年武威將軍劉尚擊西夷反者棟

蠶度瀘水入益州郡注云瀘水一名若水出旄牛徼外經朱提至犍道入江在今雋州南

朱提山

名應劭曰在縣西南以氏焉犍為屬國也在郡南千

八百許里建安二十年立朱提郡治縣故城

尋廢諸葛亮南

征復置自梁陳已來不復賓屬隋間置恭州唐改為
曲州元和志云曲州南北四百里東西七百里窮年
密霧未嘗覩日月輝光樹木皆衣毛深厚時時多水
渥晝夜沾洒上無飛鳥下絕走獸唯夏月頗有蝮蛇
土人呼為漏天也郡西南二百里得所綰堂琅縣

西北行上高山羊腸

繩屈八十餘里或攀木而升或繩索相牽而上緣陟
者若將階天按後漢志無堂琅蓋省入朱提也劉昭
曰朱提縣西南有堂琅山多毒草有瀘津東去縣八
盛夏之月飛鳥過之不能得去

十里水廣六七百步深十數丈

晉明帝大寧二年李驤等侵越嵩攻臺登

縣寧州刺史王遜遣將軍姚岳擊之戰於堂琅驤軍大敗追之至瀘水赴水死者千餘人兩岸皆

山高數百丈瀘峰最為高秀孤高三千餘丈

是山晉太康中

崩震動郡邑

水之左右馬步之逕裁通而時有瘴氣三月

四月經之必死非此時猶令人悶吐五月以後行者
差得無害故諸葛亮表言五月渡瀘也自朱提至犍
道有水步道有黑水羊官水三津之阻行者苦之又
有牛叩頭馬搏頰坂其艱嶮如此也若水逕越雋之
馬湖縣又謂之馬湖江馬湖縣今為四
川之馬湖府繩水瀘水孫
水淹水大渡水隨決入而納通稱是以諸書錄記羣
水或言入若又言注繩亦咸言至犍道入江

華陽國
志云犍

道治馬湖江
會水通越嶲
正是異水沿注通為一律更無別川可

以當之今按府縣圖志若水在建昌衛俗名打沖河

自冕山營西徼外營故寧番衛在建昌衛東北東南流至衛西鹽

井營東南與雲南金沙江合營在衛西元和志雋川昆明縣東北至州三百

里本漢定筰縣也出鹽鐵夷皆用之漢將張嶷殺其
豪率遂獲鹽鐵之利鹽井在縣城中取鹽先積柴燒
之以水洗上即成黑鹽凡言筰者夷人於大江水上
置藤橋謂之筰其定筰大筰皆是近水置筰橋處筰

同與筰
金沙江源出吐蕃界至共龍山犍牛石下南流

漸廣本名犍水後訛為麗水東南流經麗江府北又

東經姚安府北

即鹽井衛東南

合打沖河又東合瀘水又東

經會川營南

通典會川縣有瀘水五月渡瀘即此又元和志嵩州南至瀘渡四百五十里

東至東川府西折而東北經烏蒙府西北又東北經

馬湖府南又東經叙州府南而北入大江

雲南無水路行者以

為難唯由蜀浮金沙江可以直達南中明正統嘉靖隆慶時屢議開通而不果行至天啟時安酋倡亂貴陽道阻復議開通按察使莊祖誥議云自金沙江巡檢司開由白馬口歷普隆紅巖石刺鮮至廣翅塘皆祿勸州地其下有三灘水溢沒石乃可放舟涸則躋岸纜空舟以行又歷直勒村罵刺土色皆會禮州地其下有雞心石石如堆者三累累江中舟者相水勢緩急可行又歷踏照亂得頭峽刺鮮至粉壁灘甚駛

皆東川地又歷驛馬河新灘至虎跳灘陰溝洞皆巧
家地虎跳端瀉陡石不可容舟陰溝二山頽集水行
山腹中皆從陸過灘易舟而下又歷大小流灘為蠻
夷司地又歷黃郎木鋪貴溪寨灘至南江口為烏
蒙府地始安流自廣翅塘至南江木商行之可十日
又至丈溪鐵索江邊數灘歷麻柳灣教化巖為馬湖
府地又歷洩灘蓮花三灘會溪石角灘至叙州府其
說甚詳晰然是時明運將終救敗不暇徒託諸空言
而已鹽井營東南蓋即漢大冢縣界繩若合流處若為
建昌衛西之打沖河繩則姚安府北之金沙江也此
水禹無所致力不用循行故所導唯雍州之黑水
瀘本作盧如盧弓盧矢盧橘之類皆訓黑劉熙釋名

土黑曰盧沈括筆談云夷人謂黑為盧漢中山盧奴縣有盧水酈道元云水黑曰盧不流曰奴尤盧水為黑水之切證也牧誓八國有盧人疑即居盧水上者其字後加水作瀘章懷太子注後漢書云瀘水一名若水則瀘若似非異源而道元引益州記曰瀘水源出曲羅舊下三百里曰瀘水兩峰有殺氣暑月舊不行故武侯以夏渡為艱瀘水又下合諸水而總其目焉故有瀘江之名矣據此則瀘水自出曲羅舊其地

當在若水之東下流合若水故若水兼瀘水之目所謂隨決入而納通稱者也元和志云雋州西瀘縣東北至州二十七里本漢邛都縣地瀘水在縣西一百十二里水峻急而多石土人以牛皮作船而渡一船勝七八人蓋即曲羅舊出之瀘水也考其源流不出漢越雋犍為二郡界而杜氏通典云吐蕃有可跋海去赤嶺百里方圓七十里東南流入西洱河合流而東號漾濞水又東南出會川為瀘水瀘水即黑水也

程大昌金履祥之說皆出於此漾濞水見唐書在今大理府西百里西洱河即葉榆河也出大理鄧川州點蒼山匯為巨湖周三百里亦曰西洱海今按水經注葉榆河出益州郡葉榆縣縣東有葉榆澤葉榆水之所鍾也其水自縣南枝分東北流逕遂久縣東姑復縣西與淹水合淹水雖合繩若入蜀江而葉榆初無黑水之名也何以知為黑水之源其經流則自邪龍縣東南流逕滇池縣南又東與盤江合又東南至

交趾麋泠縣入海此與會川相去懸絕並不合繩若
入蜀江安得謂漾濞水東南出會川為瀘水即滇池
縣北所祠之黑水哉杜說非是又按水經注永昌郡
有蘭倉水出博南縣漢武帝時通博南山道渡蘭倉
津土地絕遠行者苦之歌曰漢德廣開不賓度博南
越倉津其水東北流逕不偉縣與類水合又東與禁
水合又北注瀘津水然則此蘭倉水仍東北合瀘水
入蜀江也若今之所謂闡滄江元人指以為禹貢之

黑水者則東南流至交趾入海與梁州絕無交涉影
響附會之談殊不足信 漢志滇池澤在滇池縣西
北有黑水祠後漢志縣北有黑水祠或以為武帝開
置益州郡始立之非也使帝知郡界有黑水而立此
祠則班史必知其所在而能言之矣竊謂此祠蓋彼
中相承已久黑水即金沙江東經會無縣南南直滇
池縣縣故滇王國於其北立祠祭之宜矣自周衰以
迄漢初聲教阻絕故尚書家莫能言梁州黑水之所

在千載而下尚賴有此祠可以推測而得之語云天子失官學在四夷又云禮失而求之野此亦其一端也杜佑以漾濞水經會川縣者為黑水樊綽以麗水合瀾諾江者為黑水程大昌以西洱河貫葉榆澤者為黑水元人則以闡滄江至交趾入海者為黑水而明李元陽引張立道之事以為證此皆轉相附會以求合於入南海之文非實有所驗也以是為雍界之黑水吾不敢知如謂梁界之黑水亦即斯川則梁

州奄有雲南極於交趾以一州而兼數州之地何至若是之廣遠此可以理斷之而信其必不然者也

梁州之黑水自繩若而外又有五黑水焉漢志符黑

水出犍為南廣縣汾關山北至棘道入江一也

符黑水者

符縣之黑水也一名南廣水

水經注黑水出漢中南鄭縣北山南

流入漢諸葛亮牋云朝發南鄭暮宿黑水二也又黑

水出羗中西南入白水通興扶州尚安縣有黑水元

和志云出縣西北素嶺山三也

在今陝西丈縣

近志疊溪營

城西北有黑水即古翼水源出黑水生番東南經茂
州至安縣入于羅江四也又崇慶州西北有黑水入
江元大一統志云源出常樂山溪石皆黑五也此皆
水之小小者非禹貢之黑水也杜氏云顧野王撰輿
地志言黑水至犍道入江與禹貢不合蓋謂其不入
南海是為異耳而薛士龍以為野王指符黑水言之
今顧書不傳未知然否按南廣水在叙州府城東十
餘里出西南夷呂邛蠻部自豕蛾夷罔過慶符縣東

北至南廣洞入江源短而流狹野王之所指豈謂是
與韓汝節謂梁州別自有黑水千古卓識而乃以疊
溪黑水當之將以界南北乎抑以界東西乎吾不意
韓氏復舛謬至此也 梁州有古蜀山氏蠶叢氏之

國又玄囂昌意所封及牧誓所稱庸蜀羌髳微盧
彭濮諸國皆在焉春秋時可考者庸巴濮麋裒凡五
國戰國時屬秦而楚亦兼得其地秦并天下置漢中

巴郡蜀郡隴西

是南境

內史

是南境

漢改置益州

領郡八
漢志云

改梁魏分置梁州晉初因之並益梁二州後又分益州

南境置寧州

領郡四

唐為山南西道之漢中

梁州

洋川洋

通川

通

潯山

渠

南平

渝

清化

巴

始寧

壁

咸安

蓬

集巴川

合

河池

鳳

順政

興

益昌

利

等郡

山南東道之

蜀郡

房陵

房

南賓

忠

南浦

萬

雲安

夔

等郡

劔南道之

蜀郡

益

唐安

蜀

濛陽

彭

德陽

漢

通義

眉

梓潼

梓

巴西

綿

普

安

劔

閬中

閬

資陽

資

臨邛

邛

通化

茂

交川

松

越嶲

嶲

南溪

戎

遂寧

遂

仁壽

陵

犍為

嘉

廬山

雅

瀘川

瀘

陽安

簡安岳普江源當陰平文同昌扶油江龍臨翼翼歸

誠悉靜川靜蓬山柘恭化恭維川維雲山奉和義榮

盛山開南充果洪源黎雲南姚等郡又京畿之上洛

商安康金隴右道之武都武同谷成懷道宕合川疊

黔中道之涪陵涪南川南等郡按以上通典所列雲

南涪陵南川三郡乃梁南徼外蠻夷不在九州之限

其雲安之建始縣當往屬荆上洛之上津東境廢長

利縣地當往屬豫而黔中寧夷涪川播川夜郎義泉

秦溪七郡列在荆域者雖附近蜀江之南亦係徼外蠻夷不在九州之限以今輿地言之陝西漢中府興安州及西安府之商州洛南山陽鎮安商南鞏昌府之鳳縣兩當徽州成縣階州文縣湖廣鄖陽府之房縣竹山竹溪及鄖西縣之西境四川則成都保寧順慶龍安馬湖五府潼川嘉定邛眉雅五州及叙州瀘州重慶夔州之江北諸州縣松潘衛疊溪營天全六番招討司黎大所建昌衛皆古梁州域也其遵義府

永寧衛及東川烏蒙鎮雄

故烏撒

三府並在瀘水之外

雲南郡唐於昆明之弄棟川置即今姚安府其非梁

域又不待言矣 梁北自洛南商州鎮安

並屬西安府

以

西為洋縣城固褒城鳳縣

並屬漢中府

兩當徽州成縣

並屬

翠昌府及唐宕疊二州之地

北與今岷州洮州二衛接界衛屬臨洮府

又西

為西傾山南唐松州徼外羈縻之地

貞觀二年於松州置都督府督

羈縻二十五州其後多至百有四州悉生羌部落 皆與雍接界其間大山長

谷遠者或數百里終南山東連二華竦峙長安之南

有子午道直達漢中岡巒綿亘歷盤屋

音周

至武功

郿縣為太一山亦名太白山駱谷斜谷之口皆當其地又西過寶雞訖於隴首山之深處高而長大者曰

秦嶺西京記云長安正南山名秦嶺東起商洛西盡

汧隴東西八百里是也關中指此為南山漢中指此

為北山斯實雍梁之大限矣寶雞西南為鳳縣

即漢故道

縣屬武都郡縣東北大散嶺與寶雞分界嶺上有大散關

當秦隴之會扼南北之交雍梁有事在所必爭又西

為徽州州東南有鐵山懸崖萬仞劉子羽曰蜀口有
鐵山棧道之隘是也州西有木皮嶺甚高險唐黃巢
之亂王鐸置關於此以遮秦隴又西為成縣縣有鷲
峽羊頭峽龍門戍皆在仇池山北北兵攻仇池必由
此入又西為洮州衛之西傾山山東北去衛四百餘
里屬雍州其南則屬梁州所謂西傾因桓是來者也
以上諸山皆隴蜀之阨塞西傾與華陽東西準望相
直曾彥和云梁北雍南以華為畿不兼言東最得經

旨而林少穎以為華山在梁雍之東當云梁之東北
雍之東南以華為畿夫兼言東則不足以該其西是
謂欲密而反疎林氏蓋習聞西南距岱之說而不知
其非故有此論 梁東自洛南商南以南

二縣並屬
西安府

為鄆西之西境故上津縣地

上津唐屬商州其故城
在今鄆西縣西北一百

十里又南為房縣

鄆西房縣並
屬鄆陽府

與豫接界又南為竹山

縣

屬鄆
陽府

又南為巫山縣

屬夔
州府

與荆接界 梁南自宜

賓以西至會川諸州縣凡在瀘水馬湖江之北者皆

梁域宜賓以東至巫山諸州縣凡在大江之北者皆
梁域蓋大江既合瀘水亦得互受通稱故隋改江陽
縣曰瀘川置瀘州治焉其縣南大江震宇記謂之瀘
江瀘水即黑水則梁左之南鄙亦當以此水表界也
或曰梁州之水莫大於江經曷不界以江曰江自岷
山導源大勢皆南行至叙州始折而東苟界以江則
江右之地悉遺之域外矣故言黑水可以見左界而
言江則不可以該右界也 梁西自西傾山歷唐羈

縻州以南為當州奉州柘州又西南為始陽鎮又南
為雅州黎州又西南為舊州皆與蠻夷接界今松潘
衛威州天全六番招討司雅州黎大所及越嶲冕山
營之北境鹽井營之西境是也唐當州在今松潘衛
西南三百里州治通軌縣隋志縣有甘松山

元和志云甘松

嶺在嘉誠縣西南十五里

唐開元十九年吐蕃請互市於甘松宰

相裴光庭曰甘松嶺中國之阻不如許赤嶺即此也

赤嶺在今陝西西寧衛界

奉柘二州在今疊溪威州之西奉州西

七十里有的

一作滴

博嶺韋臯嘗分兵出此圍維州柘

州西北百里有大雪山一名蓬婆山杜甫詩已收滴

博雲間戍欲奪蓬婆雪外城是蓬婆又在滴博之西

也威州北有高碣山

山上有薛城廢縣唐維州治亦曰姜維城

邊略云自

松達茂不三百里夷碣碁布山巖如蜂房宋史有碣

門元有碣門宣撫司即今天全六番招討司也蓋夷

碣起自松州訖於始陽故謂之碣門矣

廣韻無碣字不知其音今

按後漢書冉駹夷皆依山居止累石為室高者至十餘丈為邛籠注云今彼土夷人呼為彫也蓋碣本作

彫後改从石作礪
耳音當與彫同

唐雅州治嚴道縣領羈縻吐蕃四

十六州黎州治漢源縣管羈縻州五十七並蠻夷部
落寰宇記云雅州西去大渡河五日程羌蠻混雜連
山接野鳥路空不知里數黎州西至廓清縣一百
八十里其城西臨大渡河河西則生羌蠻界高山萬
重更無郡縣今黎大所北有邛來山九折坂後漢永
平中白狼槃木唐叢等百餘國舉種奉貢越山坂纒
負而至皆旄牛徼外蠻夷也雋州即今建昌衛通典

云南至姚州界五百六十里西至磨迷生蠻六百六十里昔司馬相如略定西南夷關沫若徼牂柯樓靈山橋孫水蓋皆在此地矣水經注以褒斜二水為自沔入渭之道曰歷漢川至南鄭屬於褒水遡褒暨衙嶺之南溪水支灌於斜川屆武功而北達於渭水道相貫與經文符合而考諸漢史則猶有可疑者河渠書云武帝時有上書欲通褒斜道及漕事下御史大夫張湯湯問之言抵蜀從故道

縣屬武都郡即今漢中府之鳳縣也

故道多阪回遠今穿褒斜道少阪近四百里而褒水
通沔斜水通渭皆可以行船漕漕從南陽上沔入褒
褒絕水至斜間百餘里以車轉從斜下渭如此漢中
穀可致而山東從沔無限便於底柱之漕上以為然
拜湯子卬為漢中守發數萬人作褒斜道五百餘里
道果便近而水多湍石不可漕溝洫志同蘓氏據此以說
經曰沔無入渭之道漢人所言褒斜則其道也然褒
斜之間絕水百餘里故曰逾于沔蓋禹時通謂褒為

沔也傳同叔為之辨曰據唐孔氏言越沔陸行而北入渭則是以漢為即沔自浮潛至沔即舍舟陸行而北入渭也然經言浮于潛逾于沔則是自潛逾沔非謂自沔逾渭也若以逾于沔為逾于渭則以逾于洛為逾于河可乎蘇氏求褻斜之道得之矣然亦以漢為即沔以禹時通謂褻為沔而說逾字與潁達無異吾固質之經而莫敢信也渭按褻斜之間絕水百餘里則渭不言逾而言入誠有可疑即通謂褻為沔亦

無解於百餘里之阻隔傳同叔云上文既言逾沔可以該下而省文此說亦未當襄斜之間若更有一逾安得以逾沔該之愚竊謂襄斜二水禹時必有相通之道如水經注所云衙嶺之南溪水支灌於斜川者及夏殷之際梁俗變為蠻夷貢職不修貢道遂廢周武王牧野之師八國雖嘗來會其後巴蜀恃險復不與中國通逾沔入渭之道其誰知之嘗觀江河之支流日久亦多堙塞如夷水首受魚復江戰國時巴楚

相攻舟師常出此路洎乎隋唐遂成斷港汴水引河
為轉運之通渠宋南渡後廢而不用日就淺涸今水
道斷續幾不可問而況深山窮谷之中溪流一線裁
得通舟自禹至漢多歷年所豈能長存而不變衰斜
二水相通之道禹時自有漢時自無不得據漢史而
疑聖經亦不得據酈注而疑漢史也

禹貢雒指

行水金鑑卷九十